



Aningaasanut Nunanullu Allanut Naalakkersuisoq NUKINGINNARTOQ

Aningaasaqarnermut Ataatsimiititaliap suliaraq nr. 01.31.06/07-00235 pillugu marlungornermi ulloq 24. april 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 19. april 2007-imi ataatsimiinneranni imm. 2b)

Kontomi pingaarnermi 83.30.13-imi, Nuna tamakkerlugu paaqqinniffinnut tunngasumi, sanaartornermut atugassanit agguanneqanngitsunit atugassanngortitsinissaq

Naalakkersuisut **inassutigaa**,

kontomi pingaarnermi 80.00.00-imi, Sanaartornermut atugassanut agguanneqanngi sunut tunngasumi, aningaasaliissutit 2007-imi 1.200.000 koruuninik ikilisinneqassasut

kontomi pingaarnermi 83.30.13-imi, Nuna tamakkerlugu paaqqinniffinnut tunngasumi, suliassanut nr. 080.40.035-imut, Sisimiuni Gertrud Rask Mindep allanngortiterneranut, iluarsaanneranut allilerneqarneranullu tunngasumut, aningaasaliissutit 2007-imi 1.200.000 koruuninik amerlineqassasut.

Aningaasaqarnermut Ataatsimiititaliap oqaaseqaatai

Gertrud Rask Mindep allanngortiternerneqarneranut aningaasat amerlanerusut Naalakkersuisut suliarmi matumani qinnutigaa. Taamaalillunilu suliariumannittussarsiuussinerup ingerlanneqareernerani sanaartornissamat 1,2 mio. kr.-it suli pisariaqartinneqartut paasinarsivoq.

Akitsoriaat taanna Qaqortumi Inuusuttut Inaannut atasumik Narsami meeqqanut inuusuttunullu paaqqinniffissamat aningaasaliussaagaluit aqqutigalugit aningaasalersorneqassasoq Naalakkersuisut siunnersuutigaa.

Tamatuma peqatigisannik paasissutissiissutigineqarpoq Narsami meeqqanut inuusuttunullu paaqqinniffiup sananeqarnissaata piffissami aalajangigaanngitsumi kinguartinneqarnissaa Ilaqutariinnermut Pisortaqarfimmit kissaatigineqartoq. Tamatumunnga pissutaanerarneqarpoq perorsaasunik 300-inik maanna amigaateqarneq. Sulisunik piginnaanilinnik atorfinitsitsinissaq periarfissaqarsorinangitsillugu paaqqinniffiup sananeqarnissaa pitsaasutut Ilaqutariinnermut Pisortaqarfimmit isigineqanngilaq. Taamaattumillu perorsaasunik sulisussaqaarniarnerup pitsanngornissaa utaqqimaarneqassasoq Pisortaqarfiup kaammattuutigaa.

Aaqqiissutissatulli siunnersuutigineqartoq Aningaasaqarnermut Ataatsimiititaliamit nangaanartoqartinneqarpoq. Meeqqanut inuusuttunullu tunngasuni katsorsaaniissamik pisariaqartitsineq annertoq eqqarsaatigalugu ilaqutariinnermut tunngasuni inissanik annertusaanissat kinguartinneqarnissaannut annertunerusumik inissaqartitsinngitsoq ataatsimiititaliaq maannangaaq isumaqarpoq.

Tamanna tunngavigalugu suliarmi aalajangertoqartinnagu paasissutissanik annertunerusunik pissarsinneqarnissani Aningaasaqarnermut Ataatsimiititaliap kissaatigaa.

1. 2007-imut aningaasanut inatsimmik, Narsami paaqqinniffimmik imaqartumik, Inatsisartut akuersissutiginninnerisa kingorna perorsaasunik sulisussarsiniarnermi pissutsit malunnaatilimmik allanngorsimappat?
 - a. Paaqqinniffinni ataasiakkaani immikkuualuttumik pisariaqartitanut tunngatippiarlugu perorsaasunik amigaateqarneq pillugu Naalakkersuisut qanoq paasissutissiissuteqarsinnaappat?
 - b. Sullitanut tunngatillugu perorsaanikkut piginnaasaminnik sapinngisamik annertunerpaamik nukittorsaallutillu atuisinnaaqqullugit perorsaasut sinneruttut allaffissornikkut suliassanik suliakkerneqannginnissaannut Naalakkersuisut qanoq periarfissaqarsoraat?

2. Narsami paaqqinnittarfiup sananeqarnissaata kinguartinneqarnissaanik Naalakkersuisut inassuteqarneranni ilaqutariinnermut tunngasuni inissatigut pisariaqartitanik naliliinerit qanoq ittut tunngaviuppat? Tassunga ilanngullugu makku pillugit paasissutissat kissaatigineqarput:
 - a. Inissanut maanna pigineqartunut sanilliullugu meeqqanut inuusuttunullu paaqqinniffinnut maanna utaqqisut nalunaarsorsimaffiat.
 - b. Inissanut maanna pigineqartunut sanilliullugu innarluutilinnut paaqqinniffinnut maanna utaqqisut nalunaarsorsimaffiat.

3. Perorsaasunik sulisunillu allanik pingaaruteqartunik sulisussarsiniarnissamut periarfissat pitsanngunngippata aammalu ilaqutariinnermut tunngasuni inissaqassutsimik annertusaanissap kinguartinneqarnissaanut sulisunik amigaateqarneq akuerisaalluni siunissami tunngavigineqartassappat ilaqutariinnermut tunngasuni annertusaanissamut tamanna qanoq kinguneqassava?
 - a. Tassunga atatillugu immikkoortumut pilersaarutissatut missingiusiap nutartikkap tigusissaa Aningaasaqarnermut Ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Apeqqutinut siuliani allassimasunut Naalakkersuisut akissutaata utaqqineqarnissaa siunertaralugu Naalakkersuisut inassuteqaataannut isummernissani Aningaasaqarnermut Ataatsimiititaliap isumaqatigiittup **kinguartippaa**. Neqeroorummut akuersinissamut piffissaliunneqartoq eqqarsaatigalugu Naalakkersuisut akissuteqaataata kalaallisut danskisullu kiisalu qarasaasiakku sapinngisamik piaarnerpaamik uunga nassiunneqarnissaa qinnutigineqarpoq: nch@gh.gl.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua

Nuutinneri: Inatsisartut Ilaqutariinnermut Ataatsimiititaliaat